



Broj: 04-1-34-972/25
Sarajevo, 03. 2. 2025. godine

SVIM OSNOVNIM I SREDNJIM ŠKOLAMA KANTONA SARAJEVO

n/r direktora/ice

PREDMET: JAVNI POZIV UČENICIMA OSNOVNIH I SREDNJIH ŠKOLA KANTONA SARAJEVO ZA DOSTAVLJANJE LIKOVNIH I LITERARNIH RADOVA I KRATKIH VIDEOKLİPOVA NA TEMU "DOMOVINO, RASTI SA NAMA!"

Poštovani,

Ministarstvo za odgoj i obrazovanje Kantona Sarajevo i JU Institut za razvoj preduniverzitetskog obrazovanja Kantona Sarajevo pozivaju učenike osnovnih i srednjih škola Kantona Sarajevo da daju svoj doprinos obilježavanju 1. marta – Dana nezavisnosti Bosne i Hercegovine učešćem u izradi likovnih, literarnih radova i kratkih videoklipova na temu

"DOMOVINO, RASTI SA NAMA!"

UČESNICI:

1. Učenici osnovnih škola Kantona Sarajevo od 1. do 4. razreda (likovni rad)
2. Učenici osnovnih škola Kantona Sarajevo od 5. do 7. razreda (literarni rad I)
3. Učenici osnovnih škola Kantona Sarajevo od 8. do 9. razreda (kratki videoklip)
4. Učenici srednjih škola Kantona Sarajevo od 1. do 4. razreda (literarni rad II)

PROPOZICIJE TAKMIČARSKIH RADOVA:

- **Likovni rad** – učenici mogu upotrijebiti sve crtačke i slikarske tehnike (kombinovati: mozaik, vitraž, tapiserija, kolaž i sl.); format rada blok 4 ili 5.
- **Literarni rad I i II** – prozni rad ili pjesmu dostaviti u sljedećem formatu: font Times New Roman; veličina 12; prored: 1.15; margina 2,5 cm; ne duži od 1 (jedne) stranice A4.
- **Kratki videoklip** - promotivnim videoklipom potrebno je putem autorskih fotografija i/ili autorskih videozapisa dokumentirati ljepote naše domovine Bosne i Hercegovine. Videoklip ne treba biti duži od 3 min. U izradi videoklipa učenici se mogu koristiti različitim tehnikama, animacijama, fotografijama, crtežima, karikaturom i sl.



- Na poleđini **likovnog i literarnog rada** učenici su obavezni napisati (ime i prezime, naziv škole, predmetni nastavnik i razred).
- Na kraju **videoklipa** učenici su obavezni napisati (ime i prezime, naziv škole, predmetni nastavnik i razred).
- Svaka škola može dostaviti najviše po jedan učenički rad iz svake kategorije. Grupni radovi se neće uzimati u obzir.
- Uz svaki rad obavezno je popuniti i priložiti **obrazac broj 1**, koji se nalazi u prilogu ovog poziva. Obrazac potpisuje direktorica/direktor škole. Radovi uz koje nije dostavljen **obrazac broj 1** neće biti uzeti u razmatranje.

NAPOMENE:

Svaka škola službeno dostavlja **videoklipove** (Google Drive, WeTransfer ili na neki drugi način) na mail info@irpo.ba. Osim videoklipa, u prilogu obavezno dostaviti i **popunjen skreniran obrazac 1**, s podacima koji su sastavni dio ovog Javnog poziva.

Veliku kovertu koja sadrži **likovni ili literarni rad i obrazac broj 1**, škola dostavlja poštom ili lično na adresu:

**JU INSTITUT ZA RAZVOJ PREDUNIVERZITETSKOG OBRAZOVANJA
KANTONA SARAJEVO
Aleja Bosne Srebrene bb/IX
71000 Sarajevo
Bosna i Hercegovina**

s naznakom (obavezno):

OPCIJA 1

**PRIJAVA NA JAVNI POZIV ZA DOSTAVLJANJE „LIKOVNIH RADOVA“
NAZIV ŠKOLE**

OPCIJA 2

**PRIJAVA NA JAVNI POZIV ZA DOSTAVLJANJE „LITERARNIH RADOVA I“
NAZIV ŠKOLE**

ILI

OPCIJA 3

**PRIJAVA NA JAVNI POZIV ZA DOSTAVLJANJE „LITERARNIH RADOVA II“
NAZIV ŠKOLE**



REALIZACIJA I ROKOVI:

- **Korak 1:** *Na nivou svake škole formirati internu komisiju koja će pregledati radove i proglasiti jedan najbolji likovni ili literarni rad u obje kategorije, odnosno kratki videoklip. Rok za izradu radova i odabir po jednog najboljeg rada iz odgovarajućih kategorija na nivou svake škole je **19. 2. 2025. godine**;*
- **Korak 2:** *Osnovne škole dostavljaju u Institut po jedan najbolji rad u svakoj kategoriji („likovni rad“, „literarni rad I“ ili „kratki videoklip“), uz prijavu koja je sastavni dio ovog Poziva. Srednje škole dostavljaju jedan najbolji rad u kategoriji („literarni rad II“). Rok za dostavljanje radova Institutu je **21. 2. 2025. godine do 16:00 sati**;*
- **Korak 3:** *Institut će formirati odvojene komisije za ocjenu najbolja tri rada učenika osnovnih i srednjih škola u svakoj kategoriji. Komisiju će činiti predstavnici Instituta i vanjskih saradnika Instituta – stručnjaka u navedenim oblastima.*

KRITERIJI

Komisija za odabir najboljih likovnih radova:

- jasna patriotska poruka,
- vidljive emocije kroz rad,
- vjerovanje u budućnost i
- originalnost.

Komisija za odabir najboljih literarnih radova I i II:

- jasno izražena misao,
- originalnost,
- stil prilagođen uzrastu,
- korištenje stilskih sredstava,
- kod prozних tekstova izražen uvodni, glavni i završni dio, kao i narativnost,
- dinamičnost, ekspresivnost, implicitna ideja, emocionalnost,
- pravopisno i gramatički korektan tekst, lektorisan od strane nastavnika i
- poštivanje propozicija

Komisija za odabir najboljih videoklipova:

- glavna pouka ili poruka videoklipa,
- originalan prikaz i
- inovacija.

Rok za proglašenje najboljih radova je 27. 2. 2025. godine.



Nagrade: Tri najbolja rada učenika osnovnih i srednjih škola u svakoj kategoriji bit će prigodno nagrađena, a nagrađeni će biti i njihovi mentori (učitelji/nastavnici).

Napomena: Najbolji radovi bit će objavljeni na društvenim mrežama i web-stranicama Vlade Kantona Sarajevo, Ministarstva za odgoj i obrazovanje i JU Institut za razvoj preduniverzitetskog obrazovanja Kantona Sarajevo.

Posebne napomene

Organizatori zadržavaju pravo da u cilju promocije projekta i objave rezultata javno publikuju pristigle radove, kao i da ih djelimično ili potpuno koriste u slične svrhe, uz obavezu navođenja podataka o autoru. Svi učesnici konkursa slanjem svojih radova daju odobrenje organizatoru da javno raspolažu podacima u smislu objave ličnih podataka i samog rada.

Za sve dodatne upute i pojašnjenja možete nas kontaktirati na broj: 033/778-603, ili putem e-maila: semir.salihovic@irpo.ba, Sektor za vannastavne i posebne programe.

S poštovanjem,

Dostaviti:

1. naslovu;
2. članovima Komisija
3. a/a.



Direktorica Instituta
Salihović
Senada Salihović



PRIJAVA
NA JAVNI POZIV ZA DOSTAVLJANJE LIKOVNIH I
LITERARNIH RADOVA I KRATKIH VIDEOKLIPOVA NA TEMU

“DOMOVINO, RASTI SA NAMA!”

OBRAZAC BROJ 1

Puni naziv škole
Adresa škole
Općina
Poštanski broj
Kontakt-telefon škole
e-mail škole
Ime i prezime učenika
Ime i prezime nastavnika
Razred i odjeljenje koje učenik pohađa

U Sarajevu, ____ . ____ . 2025. godine

Direktor/ica